

# **KAROO HOOGLAND MUNISIPALITEIT**

## **VERORDENING: UITLÊ EN BESTUUR VAN BEGRAAFPLASE**

---

Om voorsiening te maak vir die uitlê en bestuur van begraafplase in Karoo Hoogland Munisipaliteit en vir die aangeleenthede wat daarmee in verband staan

Daar word bepaal deur Karoo Hoogland Munisipaliteit, soos volg –

### **INHOUDSOPGAWE**

#### **HOOFSTUK 1** **Interpretasie**

1. Woordomskrywing

#### **HOOFSTUK 2** **Uitlê en bestuur van begraafplase**

2. Uitlê van begraafplase
3. Amptelike ure
4. Registreer
5. Nommering van grafte
6. Reservering van grafte en nisse in munisipale begraafplase
7. Oordrag van reserveerde regte
8. Aantal lyke in 'n enkelgraf in 'n munisipale begraafplaas

#### **HOOFSTUK 3** **Begrafnisse**

9. Aansoek om 'n begrafnis
10. Begrawing van 'n lyk
11. Begrawing van as
12. Begrawing van 'n kadawer
13. Persone wat buite die gebied van die Munisipaliteit te sterwe kom
14. Afmeting van grafte

#### **HOOFSTUK 4** **Verassing**

15. Verassing

#### **HOOFSTUK 5** **Opgrawing**

16. Opgrawing uit die munisipale begraafplaas

#### **HOOFSTUK 6** **Gedenkwerk**

17. Gedenkwerk
18. Grafte voorsien van 'n berm

#### **HOOFSTUK 7** **Instandhouding**

19. Instandhouding van grafte

## **HOOFSTUK 8**

### **Algemene gedrag in munisipale begraafplase**

20. Algemene gedrag in munispale begraafplase

## **HOOFSTUK 9**

### **Privaat begraafplase**

21. Uitle van privaat begraafplaas

22. Aansoek vir die uitle van private begraafplase

23. Die munisipaliteit moet rekord van privaat begraafplase byhou

24. Grond waarop 'n privaat begraafplaas uitgelê is, word alleen vir begrafnisse gebruik

25. Opgrawing van lyke uit private begraafplase

## **HOOFSTUK 10**

### **Diverse**

26. Besering en skade

27. Vuurwapens en tradisionele vuurwapens

28. Strafbepaling en koste

29. Herroeping van wette en voorbehoude

30. Korttitel

# HOOFSTUK 1 :INTERPRETASIE

---

## 1. WOORDOMSKRYWING

In hierdie Verordening, tensy uit die samehang anders blyk, beteken –

“as” die oorblyfsel van ‘n lyk nadat dit verbrand is

“begraafplaas” grond of deel daarvan insluitende die geboue en werke daarop, wat behoorlik afgesonder en gereseveer is vir doeleindes van begrafnisse en ook ‘n kolumbarium

“begrafnis” die begrawing in die grond of enige ander metode van beskikking oor ‘n lyk, as of kadawer op die wyse in hierdie Verordening voorsien

“begrafnisorder “ ‘n order uitgereik kragtens die bepalings van die wet op Registrasie van Geboortes en Sterftes, 1992 (Wet No. 51 van 1992) wat ‘nbegrafnis magtig

“boubeheerbeampte”iemand wat ingevolge artikel 5 van die Wet op Nasionale Bouregulasies en Boustandaarde, 1977 (Wet No. 103 van 1977) as boubeheerbeampte aangestel is of geag word word aangestel te wees

“doodgebore”met betrekking tot ‘n kind dat die kind na ‘n binne-baarmoeder bestaan van minstens 26 weke en na ‘n volledige geboorte geen teken van lewe getoon het nie

“graf” ‘n stuk grond in ‘n begraafplaas wat uitgesit, voorberei en gebruik is vir ‘n begrafnis

“gedenkplaat” ‘n plaat wat op die kolumbarium aangebring word vir identifiseringsdoeleindes

“gedenkwerk “ enige grafsteen , monument inskripsie of ander soortgelyke werk of deel daarvan, opgerig of bedoel om operig te word op ‘n graf of ‘n kolumbarium

“houer” ‘n persoon aan wie ‘n reserveringssertifikaat vir ‘n spesifieke graf in ‘n munispale begraafplaas uitgereik is ingevolge artikel 6 of ‘n wet herroep by artikel 29

“inwoner” ‘n persoon wat tydens hy of haar doodgewoonlik woonagtig was binne diemunisipaliteit of regtens aanspreeklik was vir betaling van eiendomsbelasting, huur, dienstegelede of heffing aan die Munisipaliteit

“kind” (waar die word gebruik word om ‘n lyk te beskryf) ‘n lyk wat begrawe word in ‘n kis wat in ‘n graf vir ‘n kind pas, soos in artikel 114 bedoel

“kolumbarium “ ‘n gedenkmuur of ‘n muur van herinering deur die eienaar van ‘n begraafplaas voorsien vir begrawing van as

“lyk” die dooie menslikeliggam en ook die liggam van ‘n doodgebore kind

“munispale begraafplaas” ‘n begraafplaas wat die eiendom is van en deur die munisipaliteit beheer en van tyd tot tyd vir openbare gebruik beskikbaar gestel is

“Munispale bestuurder” die persoon aangestel ingevolge artikel 82 van die Wet op Plaaslike Regering : Munispale Strukture, 1998(Wet No. 117 van 1998)

“Munisipaliteit “ die Karoo Hoogland Munisipaliteit

“nis” die holte in ‘n kolumbarium voorsien vir die begrawing van as

“ontwikkelde gebied” die gedeelte van die regsgebied van die munisipaliteit wat –

a. Deur werklike opmeting in erwe onderverdeel word

b. Omring is deur opgemete erwe of

c. ‘ninformele nedersetting is

“opsigter” die beampte deur die munisipaliteit aangestel vir die beheer van en toesig oor ‘n munisipale begraafplaas of munisipale begraafplase en sy gedelegeerdes

“privaat begraafplaas” ‘n begraafplaas gelee –

- a. Binne die regsgebied van die munisipaliteit
- b. Buite ‘n onwikkelde gebied

Wat nie die eiendom is van of beheer word deur die munisipaliteit nie, deur die eienaar daarvan van tyd tot tyd beskikbaar gestel vir privaatgebruik en ook ‘n enkele graf

“verantwoordelike persoon” die naaste oorlewende familielid van die oorledende of ‘n persoon deur sodanige oorlewende gemagtig, of indien die opsigter tevrede is dat sodanige persoon nie bestaan nie of dat die handtekening van sodanige oorlewende of gemagtigde persoon nie bestaan nie of dat die handtekening van sodanige oorlewende nie betyds verkry sal word vir doeleindes van voltooiing van die vereiste aansoekvorm nie, enige ander persoon wat die opsigter tevrede stel betreffende sy identiteit, belan in die begrafnis, vermoed om die voorgeskrewe gelde te betaal en om die toepalike bepalings van hierdie Verordening nate kom

“voorgeskrewe gelde” die gelde soos van tyd tot tyd deur die munisipaliteit bepaal en

“volwassene” (waar die woord gebruik word om ‘n lyk te beskryf) ‘n lyk wat begrawe word in ‘n kis wat in ‘n graf vir ‘n volwassene pas, soos in artikel 14 bedoel

## HOOFSTUK 2

---

### 2. UITLÊ EN BESTUUR VAN BEGRAAFPLASE

1. Die munisipaliteit kan van tyd tot tyd geskikte munisipale grond binne die munisipaliteit opsysit en reseveer vir die uitlê en bestuur van ‘n munisipale begraafplaas
2. Die munisipaliteit kan ooreenkomstig die bepalings van hoofstuk 9 ‘n aansoek vir die uitlê en instandhouding van ‘n privaat begraafplaas of ‘n privaat kolumbium op privaat grond, oorweeg en goedkeur.
3. ‘n Begraafplaas uitgele kragtens ‘n wet by hierdie Verordening herrope, of wat andersins bestaan het, toe hierdie Verordening van krag geword het, word geag kragtens hierdie artikel uitgele te wees
4. Die munisipaliteit kan binne ‘n munisipale begraafplaas, ooreenkomstig ‘n goedgekeurde uitlêplan, sodanige gebiede opsysit, reseveer en afbaken as wat die munisipaliteit dienstig ag vir eksklusiewe gebruik deur lede van ‘n besonderde godsdiens of kerkverband of vir die begraving van volwassens, kinders, lede van veiligheidsmagte of oorlogshelde, of vir skepping en bestuur van –
  - a. ‘n berm area waar gedenkwerk van ‘n beperkte grootte opgerig mag word slegs op ‘n sement basis deur die munisipaliteit voorsien op die bo- en onder ente van ‘n graf terwyl die oppervlakte van die graf gelykgemaak word
  - b. Op ‘n monumentale area waar gedenkwerke wat opgerig word die totale graf area bestaan
  - c. ‘n semi-monumentale area waar gedenkware sonder ‘n beperking op die grootte opgerig mag word slegs op die sement basis by die bo-ent van die graf, welke basis nie deur die munisipaliteit voorsien word nie
  - d. ‘n natuurlike gras area waar die oppervlakte van die grafte gelykgemaak word en deur middle van nommers geïdentifiseer word bo-op grafte aangebring word op so ‘n wyse dat ‘n grassnyer gebruik kan word om die natuurlike gras te sny sonder beskadiging van die nommers
  - e. ‘n tradisionel area waar die oppervlakte van grafte gelykgemaak word, en gedenkwerk nie die totale oppervlakte van ‘n graf hoef te beslaan nie, en opgerig mag word op

- 'n graf wat nie met 'n sement basis voorsien is soos wat by die berm area vereis word nie
- f. 'n kolumbarium area waar as in 'n nis in 'n gedenkmuur of 'n muur van herinerings wat deur die munisipaliteit voorsien word, begrawe kan word

### **3. AMPTELIKE URE**

---

1. 'n Munisipale begraafplaas is oop gedurende die tye deur die munisipaliteit bepaal en die begraafplaaskantoor van die opsigter is oop van Maandag- Vrydag
2. Begrafnisse in 'n munisipale begraafplaas vind plaas op die dae en gedurende die tye van die munisipaliteit bepaal
3. Die munisipaliteit het die reg om munisipale begraafplaas of enige gedeelte daarvan vir die publiek te sluit vir sodanige periodes en vir sodanige redes as wat die munisipaliteit mag goeddink
4. Niemand mag in die munisipale begraafplaas wees of daarin teenwoordig bly voor of na die tye deur die munisipaliteit bepaal, of gedurende enige periode wat dit vir die publiek gesluit is, sonder die toestemming van die opsigter nie.

### **4. REGISTER**

---

'n Register van grafte en begrafnisse word deur die opsigter van die munisipale begraafplaas bygehou en sodanige register word so ver as moontlik onmiddellik na die uitvoering van 'n begrafnis ingevul met verwysing na die voorgeskrewe besonderhede vervat in die toepaslike begrafnis orde

### **5. NOMMERING VAN GRAFTE**

---

1. Alle grafte in die munisipale begraafplaas wat geokkupeer word, of waarvoor die begrafnis gemagtig is, ingevolge artikel 9 kan deur die munisipaliteit genommer word
2. Die nommer word op 'n graf aangebring, en word aangedui op 'n plan wat in die kantoor van die opsigter beskikbaar gehou word

### **6. RESERVERING VAN GRAFTE EN NISSE IN MUNISPALE BEGRAAFPLASE**

---

1. iemand wat 'n spesifieke graf vir latere gebruik in 'n munisipale begraafplaas wil resever, doen by die opsigter van daardie begraafplaas aansoek, en die aansoek –
  - a. word skriftelik op die vorm deur die munisipaliteit voorsien gedoen en
  - b. gaan vergesels van die voorgeskrewe gelde
2. die munisipaliteit staan die aansoek toe of weier dit
3. indien die aansoek toegestaan word, reik die munisipaliteit 'n reseveringsertifikaat aan die aansoeker uit waarin die voorwaardes waar behoudens die sertifikaat uitgereik is aangedui word
4. indien die munisipaliteit die aansoek weier dui hy die redes vir sy weiering skriftelik aan en stuur die gelde in subartikel 1 (b) genoem aan die aansoeker terug
5. die resevering van 'n graf gedoen kragtens 'n wet by artikel 29 herroep en in die amptelike rekords van die munisipaliteit opgeteken, word geag kragtens hierdie artikel gedoen te wees
6. die bepalings van subartikel 1 tot 5 geld *mutatis mutandis* ten opsigte van hierdie resevering van 'n spesifieke nis in 'n munisipale kolumbarium

### **7. OORDRAG VAN GERESEVEERDE REGTE**

---

1. 'n Gereseveerde reg soos in artikel 6 bedoel, mag nie sonder die voorafverkre skriftelike toestemming van die munisipaliteit oorgedra word nie
2. Aansoek om sodanige reg oor te dra, moet skriftelik by die opsigter gedoen word deur die voltooiing en inhandiging van voorgeskrewe aansoekvorm
3. Indien die aansoek goedgekeur word, word 'n sertifikaat ten gunste van die oorgragnemer, uitgereik, wat sodoende die houer word
4. 'n Gereseveerde reg kan op versoek van die houer daarvan gekanselleer word en as die versoek deur die munisipaliteit toegestaan word, word die bedrag deur die houer betaal (indien daar is) min 10% administrasiefooi aan die houer terugbetaal

## **8. AANTAL LYKE IN 'N ENKELGRAF IN 'N MUNISPALE BEGRAAFPLAAS**

---

1. Sleg een lyk mag in 'n graf met mates soos in artikel 14(1) of (2) bedoel, begrawe word
2. Slegs tweelyke mag in 'n graf met mates soos in artikel 14 (4) bedoel, begrawe word: met dienverstande dat aansoek vir die begrawe van twee lyke in skrif by die opsigter gemaak is deur inhandiging van 'n aansoek bedoel in artikel 9(1) alvorens die eerste lyk begrawe is
3. Na die oopmaak van 'n graf vir doeleindes van die begrawe van 'n tweede lyk soos bedoel in subartikel 2 in daardie graf, moet 'n sementlaag van nie minder as 25mm dik gegiet word bo die kis wat voorheen begrawe is
4. Indien by die oopmaak van enige graf, deur die Stadgeneesheergevind word dat die grond aanstootlik of gevaarlik vir die algemene gesondheid van mense is, word die situasie in oorleg met die Stadgeneesheer hanteer

## **HOOFSTUK 3 : BEGRAFNISSE**

---

### **9.AANSOEK VIR 'N BEGRAFNIS**

---

1. 'n aansoek om toestemming vir 'n begrafnis in 'n munisipale begraafplaas word op die voorgeskrewe aansoekvorm by die opsigter gedoen en gaan vergesel van –
  - a. Die voorgeskrewe begrafnisorder
  - b. Die voorgeskrewe gelde
  - c. Die reseveringsertifikaat indien van toepassing
2. Niemand mag in enige ander plek in die munisipaliteit as in 'n munisipale begraafplaas, 'n begrafnis of die begraving van as of 'n kadawer onderneem, laat plaasvind of toelaat tensy die toestemming van die munisipaliteit vooraf verkry is nie
3. Aansoek om toestemming vir 'n begrafnis moet by die opsigter van 'n munisipale begraafplaas ingedien word minstens 24 werksure voor die beplande begrafnis, by gebreke waaraan die opsigter die aansoek kan afkeur
4. Geen persoon mag 'n begrafnis in 'n munisipale begraafplaas onderneem, laat plaasvind of toelaat tensy skriftelike goedkeuring vir die begrafnis verkry is, 'n spesifieke graf toegeken is vir doeleindes van die begrafnis en 'n datum en tyd vir die begrafnis met die opsigter gereel is nie
5. Die opsigter neem die gewoontes en geloof of kerkverband van die familie van die oorledende in ag by toekenning van die datum en tyd van die begrafnis
6. Die toekenning van 'n spesifieke graf is die alleen verantwoordelikheid van die opsigter en die begrafnis word slegs uitgevoer in 'n graf deur hom of haar toegeken : met dien verstande dat by die toekenning van 'n graf so ver as practise moontlik aan die verantwoordelike persoon toegang moet verleen tot 'n plan van die begraafplaas waarin die verskillende afdelings aangedui word, en hom of haar toelaat om die afdelings van sy of haar keuse, maar nie die graf van sy of haar keuse nie, te kies

7. Die munisipaliteit kan volgens sy diskresie of begrafnis sonder betaling van die voorgeskrewe gelde en op sodanige wyse as wat die munisipaliteit goedgevind toelaat in deel van 'n munisipale begraafplaas opgesit vir sodanige doeleindes
8. Kennisgewing van die kansellering of uitstel van 'n begrafnis word minstens 4 werksure voor die tyd gereel vir die begrafnis, aan die opsigter gegee
9. Die verlening van toestemming vir 'n begrafnis en die toekenning van 'n spesifieke graf in 'n begraafplaas, verleen nie aan die aansoeker die verwoordelike persoon of enige ander persoon om enig reg ten opsigte van sodanige graf anders da nom 'n lyk in die graf te begrawe nie

## **10. BEGRAWING VAN 'N LYK**

---

1. Alle grafte in 'n munisipale begraafplaas word deur die opsigter voorberei, uitgesonderde grafte wat met bakstene of beton uitgevoer word, in welke geval die messelwerk of betonwerke deur die ondernemer onder die toesig van die opsigter en ooreenkomstig die spesifikasie wat vir gewone grafte geld, verrig word
2. Daar moet minstens 1200mm grond wees tussen die bokant van 'n kis van 'n volwassene en die grondoppervlakte, en minstens 900mm grond tussen die bokant van 'n kis van 'n kind en die grondoppervlakte
3. Alle lyke moet in 'n kis geplaas word vir doeleindes van die begrafnis behalwe soos voorsien vir die Moslem gemeenskap
4. Niemand mag sonder die voorafgekreepte toestemming van die opsigter, enige godsdienstige plegtigheid of diens volgens die kerkgebruik van enige kerkgenootskap in enige gedeelte van enige munisipale begraafplaas wat deur die munisipaliteit ingevolge artikel 2(4) vir die gebruik van 'n ander kerkgenootskap gereisever is, hou nie
5. Geen persoon mag toelaat dat 'n lykswa die paaie wat in 'n munisipale begraafplaas voorsien is verlaat nie en 'n lykswa moet 'n begraafplaas so gou as moontlik na flop van die begrafnis waarvoor dit gebruik is verlaat
6. Elkeen wat aan 'n begrafnisstoet of – plegtigheid deelneem, moet aan die aanwysings van die opsigter gehoor gee ten opsigte van die roete wat binne 'n munisipale begraafplaas gevolg moet word.
7. Niemand vervoer 'n lyk of 'n enige deel daarvan bloot op 'n onbetaamlike wyse in 'n straat, begraafplaas of publieke plek nie
8. Elke aansoek en elke dokument in verband met die begrafnis in 'n munisipale begraafplaas moet gemerk word met 'n nommer wat ooreenstem met die nommer in die register waarna in artikel 4 verwys word, en moet deur die munisipaliteit geliasseer en bewaar word vir 'n periode van nie minder as 10 jaar nie

## **11. BEGRAWING VAN AS IN 'N MUNISPALE BEGRAAFPLAAS**

---

1. As kan in 'n kis in 'n munisipale begraafplaas begrawe word en slegs twee sodanige kiste wat bevat mag in ekster diep graf begrawe word, soos bedoel in artikel 14(4): met dien verstande dat 'n kis nie die gemiddelde liggaamsgewig van 70kg mag oorskry nie, en verdermeer dat die graf aangepas word tot die voorgeskrewe diepte en afmetings
2. Geen persoon mag 'n begrafnis van as in 'n munisipale begraafplaas onderneem, laat plaasvind of toelaat tensy die skriftelike goedkeuring vir die begrafnis verkry is, 'n spesifieke graf of nis toegeken is vir doeleindes van die begrafnis en 'n datum en tyd vir die begrafnis met die opsigter van die munisipale begraafplaas gereel is nie
3. Aansoek vir die begraving van as vir 'n spesifieke tyd of onbepaald, of vir die voorsiening van 'n gedenkplaat van goedgekeurde materiaal om aangebring te word, op

- ‘n gebou, kolumbarium of ander fasiliteit word by die opsigter van die munisipale begraafplaas op die voorgeskrewe vorm gedoen
4. Behoudens artikel 6, word nisse deur die opsigter van die munisipale begraafplaas toegeken streng ooreenkomstig die volgorde waarin die aansoeke daarvoor ontvang is
  5. Aansoek om toestemming vir die begrawing van as moet ten minstenste 24 werksure voor die beplande begrafnis ingedien word, by gebreke waaraan die opsigter die aansoek kan afkeur
  6. ‘n kruik of kisse wat as bevat wat in ‘n gebou, kolumbarium of ander fasiliteit van die munisipaliteit gedeponeer is, mag nie verwyder word sonder dat dit skriftelike toestemming van die opsigter vooraf verkry is nie
  7. Elke nis wat as bevat word geseel deur middle van ‘n plaat wat deur die munisipaliteit goedgekeur is en word slegs oopgemaak vir doeleindes van die onttrekking van die kruik of kisse daarin vir beskikking daarvoor elders, of vir doeleindes van die deponering van addisionele kruik of kisse daarin, waarna dit weer geseel word
  8. Aansoek vir die oopmaak van ‘n nis word by die opsigter van die munisipale begraafplaas op die voorgeskrewe aansoekvorm gedoen
  9. Niemand bring enige materiaal in ‘n kolumbarium vir doeleindes van die konstruksie of oprigting van enige genkwerk daarin, tensy en totdat –
    - a. Goedkeuring vir die begrafnis verkry is ooreenkomstig die bepalings van artikel 9 nie
    - b. Goedkeuring vir die oprigting van die gedenkwerk verkry is ooreenkomstig die bepalings van artikel 17(1) nie en
    - c. Die voorgeskrewe gelde betaal is nie
  10. Enige een wat betrokke is by die werk in die kolumbarium, voor sodanige werk tot die tevredenheid van die opsigter uit, en sodanige werk word gedurende die amptelike ure van die opsigter onderneem soos in artikel 3 uiteengesit
  11. Geen permanente kranse, ruikers, blomme of blomme-huldeblyke mag in of op die kolumbarium geplaas word nie
  12. Die kolumbarium mag daaglik besoek word gedurende die amptelike ure uiteengesit in artikel 3
  13. Gedenkplate moet gemaak word van materiaal wat deur die munisipaliteit goedgekeur is, en moet opgerig word gelyktydig met die plasing van die as, en binne 30 dae nadat goedkeuring verkry is

## **12. BEGRAWING VAN ‘N KADAWER**

---

Die oorblyfsel van ‘n lyk wat gebruik is by opvoedkundige inrigting vir die opvoeding van student, algemeen bekend as ‘n kadawer, mag in een kis begrawe word en twee sodanige kiste wat kadawers bevat mag in ‘n ekstra diep graf begrawe word, soos bedoel in artikel 14(4): met dien verstande dat ‘n kis nie die gemiddelde liggaamsgewig van 70 kg mag oorskrei nie, en verdermeer dat die graf aangepas word tot die voorgeskrewe diepte enafmetings



### **13. PERSONE WAT BUITE DIE GEBIED VAN DIE MUNISIPALITEIT TE STERWE KOM**

---

Die bepalings van hierdie Verordening geld *mutatis mutandis* ten opsigte van 'n begrafnis in 'n begraafplaas van 'n persoon wat buite die munisipaliteit te sterwe gekom het

### **14. AFMETINGS VAN GRAFTE**

---

1. Die uitgraving van 'n graf vir 'n volwassene moet minsten 1820 mm diep, 2300mm lank en 760 mm wyd wees
2. Die uitgraving van 'n graf vir 'n kind moet minstens 1370mm diep, 1520mm lank en 610mm wyd wees
3. Indien 'n groter, langer of wyer graf as die hierbo gespesifiseer verlang word, moet sodanige aansoek, tesame met die verskuldigde bykomende voorgeskrewe gelde, saammet die aansoek om toestemming vir die begrafnis by die opsigter van die munispale begraafplaas ingehndig word
4. Die uitgraving vir 'n ekstra diep graf vir die begrawing van 2 lyke moet ten minste 2400mm diep, 2300mm lank en 260mm wyd wees
5. Toegelate afwyking van afmetings vir grafte is soos volg :  
Ekstra wyd : 2300mm lank  
840 mm wyd  
  
Ekstra lank : 2530 mm lank  
760 mm wyd  
  
Reghoekig klein : 2300 mm lank  
810 mm wyd  
  
Reghoekig groot : 2400 mm lank  
900mm wyd  
  
Steenmesselwerk : 2600 mm lank  
1050 mm wyd
6. Die oppervlakte van die reghoekige graf vir 'n volwasse is 1500 mm wyd en 2600 mm lank
7. Die oppervlakte van 'n graf vir die volwasse is 1210 mm wyd en 2430 mm lank
8. Die oppervlakte van 'n graf vir 'n kind is 1210 mm wyd en 1520 mm lank, en indien die kis te groot is, moet die graf vir 'n volwassene gebruik word.

## **HOOFSTUK 4**

---

### **15. VERASSING**

---

Verassing binne die munisipaliteit geskied slegs in 'n goedgekeuyrde crematorium wat vir die doel opgerig is, en ooreenkomstig die bepalings van die Verassingsordonnansie , 1926 (Ordonnansie No. 6 van 1926)

## HOOFSTUK 5

---

### 16. OPGRAWING UIT 'N MUNISIPALE BEGRAAFPLAAS

---

1. Niemand grawe sonder die skriftelike magtiging bedoel in artikel 3 van die Ordonnansie op die Opgrawing van menslike Oorskot, 1980 (Ordonnansie no. 12 van 1980) en dan alleen nadat die munisipaliteit sodanig ingelig is 'n lyk op of onderneem die opgrawing of laat toe dat 'n lyk of die oorblyfsel daarvan opgegrawe word uit die munisipale begraafplaas nie
2. Enige persoon behoorlik gemagtig om 'n lyk op te grawe soos hierbo uiteengesit, moet sodanige magtiging aan die opsigter voorsien ten minste 8 werksure voor die tyd voorgestel vir die opgrawing van die lyk en moet terselfde tyd die voorgeskrewe gelde betaal.
3. Die opgrawing en verwydering van 'n lyk uit 'n munisipale begraafplaas geskied alleenlik in die teenwoordigheid van die opsigter of gemagtigde begraafplaaspersoneellid, vergesel van die begrafnisondernemer en ooreenkomstig die wetgewing van toepassing op opgrawing eerbegrawing
4. 'n graf waaruit 'n lyk verwyder gaan word, moet indien so deur die opsigter vereis, effektief van diepublieke oog afgeskerm word vir die duur van die opgrawing
5. Die persoon wat om die opgrawing van 'n lyk aasook gedoen het, moet 'n aanvaarbare houer voorsien waarin die oorblyfsels van die lyk geplaas moet word, en moet sodanige oorblyfsels na die opgrawing verwyder
6. niemand word toegelaat om 'n graf in 'n munisipale begraafplaas weer oop te maak tensy hy of sy die opsigter tevrede gestel het da thy of sy daartoe gemagtig is nie
7. na die opgrawing en verwydering van die oorblyfsel van 'n lyk uit 'n munisipale begraafplaas, val alle regte tot die graf in die munisipale begraafplaas die munisipaliteit toe en die hergebruik van die graf word in oorleg met die Stadsgeneesheer gedoen
8. indien dit op enige stadium en vir welke rede ookal nodig word om 'n lyk op te grawe en na 'n ander graf oor te plaas, mag die munisipaliteit nadat die familie van die oorledende ooreenkomstig ingelig is, die lyk opgrawe en oorplaas na 'n ander graf.

## HOOFSTUK 6

---

### 17. GEDENKWERKE

---

1. Aansoek vir die oprigting van gedenkwerk word by die opsigter van die munisipale begraafplaas gedoen op die voorgeskrewe aansoekvorm
2. Die oprigting van traliewerk om 'n graf is verbode
3. Niemand bring enige materiaal 'n 'n begraafplaas in of laat toe dat dit ingebring word vir doeleindes van die konstruksie of oprigting van enige gedenkwerke daarin, tensy en totdat –
  - a. Goedkeuring van die begrafnis verkry is ooreenkomstig die bepalings van artikel 9 nie
  - b. Goedkeuring vir die oprigting van die gedenkwerke verkry is ooreenkomstig die bepalings van subartikel 1 nie en
  - c. Die voorgeskrewe gelde betaal is nie
4. Grafte van oorloggesneuweldeswat deur die Suid-Afrikaanse raad vir oorlogsgrafte of enige ander erkende liggaan of deur die Regering van 'n vreemde land versorg of

onderhou word, kannaaansoek by die munisipaliteit van die vereiste betaling van die voorgeskrewe gelde vrygestel word

5. Die munisipaliteit kan weier om toestemming te verleen vir enige voorgestelde werk in verband met 'n gedenksteen waarvan plan en spesifikasie aan die lig gebring dat dit van minderwaardige gehalte sal wees of 'n begraafplaas moontlik kan ontsier, of wat 'n grafskrif daarop het wat aanstoot mag gee aan gebruikers van die munisipale begraafplaas of besoekers daarvan
6. Geen persoon wat in 'n munisipale begraafplaas besig is met enige werk in verband met die gedenksteen mag op enige stadium 'n aangrensende grafperseel versteur nie en na voltooiing van sodanige werk laat hy of sy die graf en begraafplaas in 'n skoon en netjiese toestand en verwyder alle bouateriaal of oortollige grond vanaf die begraafplaas
7. Iemand wat werk in die munisipale begraafplaas verrig in verband met die oprigting van 'n gedenksteen, moet –
  - a. Vooraf reëlings met die opsigter tref rakende die datum en tyd van die beplande oprigting
  - b. Alle afsonderlike dele van enige gedenksteen behalwe messelwerk, vasheg met koper- of gegalvaniseerde yster tappenne, wat lank en dik genoeg is om die permanente stewigheid van die werk te verseker
  - c. Enige deel van sodanige werk wat op klip of op 'n ander fondament rus, redelik haaks afwerk en voeg
  - d. Seker maak dat die onderkant van elke plat klip-gedenksteen, en die basis of platform van elke grafsteen minstens 50 mm onderkant die natuurlike vlak van die grond is
  - e. Alle grafstene stewig aan die basis vasheg
  - f. Seker maak dat gedenkstene in alle gevalle uit een soliede stuk bestaan
  - g. Seker maak dat alle grafstene van granite, marmer of brons of sodanige ander duursame staal of steen deur die munisipaliteit goedgekeur is
  - h. Seker maak dat alle randstene of gedenkwerk op grafte betonfondamente opgerig word wat in die geval van grafte vir volwassenes, minstens 1210mm breed en 200 mm die pool die hele breedte is en 910 mm breed en 200mm die pool die hele breedte in die geval van kindergrafe is
  - i. Seker maak dat die grootte van die monumentale grafsteen (alles insluitend) soos volg is :  
  
Enkelgraf : 2440 mm lank  
                  1070 mm wyd  
  
Kindergraf : 1370 mm lank  
                  760 mm wyd  
  
Dubbelgraf : 2440mm lank  
                  2290mm wyd
  - j. Alle randstene op grafte groter as as enkelgrafe by die vier hoeke en by alle laste op soliede betonale bevestig
  - k. Enige beton fondament op enige graf, indien dit as gevolg van die gewig van die gedenkwerk nodig geag word, op instruksie van die munisipaliteit versterk
8. Geen persoon mag enige gedenkwerk binne enige munisipale begraafplaas oprig nie, tensy die nommer of blokletter van die graf waarop sodanige werk geplaas moet word, daarop gegraveer is op 'n plek waar dit ten alle tye vanaf die voetpad leesbaar is en alleen met die toestemming van die familie van die oorledende, mag die naam van die maker van sodanige gedenkwerk op die voetsteen aangebring word
9. Gedenkwerk mag slegs gedurende die amptelike kantoorure soos in artikel 3 bedoel, in 'n munisipale begraafplaas opgerig word

10. Geen persoon mag enige gedenkwerk in die munisipale begraafplaas oprig of plaas in ongure weer of indien die grond in 'n ongeskikte toestand is
11. Elke persoon wat werk in 'n munisipale begraafplaas uitvoer, kom onder die omstandighede die instruksies van die opsigter na
12. Die munisipaliteit mag, na behoorlike kennisgewing, te enige tyd die posisie van enige gedenkwerk in 'n munisipale begraafplaas verander of wysig, onderhewig daaraan dat waar die gedenkwerk oorspronklik in daardie posisie geplaas is, met die uitdruklike toestemming van die opsigter, enige verandering van daardie posisie ingevolge die bepalings van hierdie Verordening op koste van die munisipaliteit geskied

## **18. GRAFTE VOORSIEN VAN 'N BERM**

---

1. Nieteenstaande enigiets tot die teendeel in hierdie Verordening vervat, is 'n graf wat 'n berm voorsien is, onderhewig aan die voorwaardes in subartikel 2 uiteengesit
2.
  - a. geen randsteen mag by sodanige graf aangebring wordnie
  - b. die berm deur die munisipaliteit voorsien, moet 1200mm lank, 500mm breed en 300mm diep wees
  - c. die basis van die gedenkwerk wat op die berm van 'n enkelgraf opgerig gaan word, mag nie groter wees nie as 1000mm lank en 230mm breed en die gedenkwerk, tesame met die basis, mag nie hoër as 1200mm vanaf die grond wees nie
  - d. gedenkwerk mag nie verby die basis van die berm steek nie
  - e. geen voorwerp mag op die graf geplaas en gehou word nie: met dien verstande dat gedenkwerk of 'n vaas vir blomme of lower wat in die opening wat in die berm voorsien is, geplaas is op 'n graf geplaas en gehou mag word totdat die grondoppervlakte bo-op die graf gelykgemaak is.

## HOOFSTUK 7

---

### 19. INSTANDHOUDING VAN GRAFTE

- a. gedenkwerk wat op enige graf is, moet te alle tye deur die verantwoordelike persoon in goeie orde en toestand gehou word
  - b. indien enige sodanige gedenkwerk toegelaat word om te verval, of om gevaarlik te word of die munisipale begraafplaas ontsier, kan die munisipaliteit by wyse van 'n skriftelike kennisgewing per aangetekende pos, wat aan die verantwoordelike persoon by sy of haar jongsbekende posadres gerig is, van hom of haar eis om sodanige herstelwerk te doen as wat nodig geag word
  - c. ny versuim om die vereiste herstel werk binne 1 maand vanaf die datum van sodanige kennisgewing te doen, kan die munisipaliteit na goeddunke, die herstelwerk laat doen of die gedenkwerk laat verwyder, en die koste van sodanige herstelwerk of verwydering van die verantwoordelike persoon verhaal
2. tensy anders in hierdie Verordening voorsien, is die munisipaliteit verantwoordelik om munisipale begraafplase in 'n skoon en netjiese toestand te ho
3. gras mag deur die naasbestaendes van die oorledende op 'n graf plant, onderhewig aan die instruksies van die opsigter : met die n verstande dat die munisipaliteit 'n graf, as deel van 'n begraafplaas, op eie koste en in ooreenstemming met sy eie standaarde en programme onderhou
- 4.a. alle gedenkwerk wat uitmekaar gehaal is vir doeleindes van 'n verdure begrafnis, moet binne 2 maande na die datum van sodanige uitmekaarhaal, heropgerig of verwyder word
- c. by versuim om hieraan te voldoen kan die munisipaliteit sonder enige verdure kennisgewing, die uitmekaargehaalde gedenkwerk vanuit die begraafplaas verwyder en die koste vir die verwydering van die verantwoordelike persoon verhaal
5. niemand mag enige boom, struik, bos of enige ander plant op of in die omgewing van 'n graf aanplant nie
6. Die munisipaliteit kan enige plant wat verby die grense van enige graf strek of wat onnet is, verwyder, snoei of knip
7. niemand laat enige blom, gras, saad of enige ander materiaal wat vanaf 'n graf verwyder is, op enige ander graf in die pad of op enige ander plek in 'n begraafplaas behalwe in die afvalhouer vir die doel voorsien, agter nie

## HOOFSTUK 8

### 20. ALGEMENE GEDRAG IN MUNISIPALE BEGRAAFPLASE

1. Tensy onder die sorg van 'n volwassene of met die goedkeuring van die opsigter gaan niemand onder die ouderdom van 12jaar 'n munisipale begraafplaas binne nie
2. Niemand gaan 'n munisipale begraafplaas binne of verlaat dit, behalwe deur die hekke vir die doel voorsien, en niemand gaan enige kantoor of geslote ruimte in enige begraafplaas binne, behalwe om sake te doen of met die toestemming van die opsigter
3. Niemand le 'n vals verklaring af of versterk vals inligting in 'n aansoek of enige ander vorm of document wat ingevolge die bepalings van hierdie Verordening voltooi en ingehandig moet word nie
4. Niemand verrig of beoefen binne enige munisipale begraafplaas of enige publieke plek binne 30 m vanaf die grens van 'n begraafplaas, enige handelsberoep of smousaktiwiteit of werf bestellings vir enige besigheid of mag enige besigheidskartaar of adverstensie vertoon, versprei of agterlaat nie, behalwe met die skriftelike goedkeuring van die munisipaliteit en op sodanige voorwaardes wat die munisipaliteit mag bepaal
5. Niemand mag op of oor enige grafsteen, gedenkwerk, hek, muur, heining of gebou in enige munisipale begraafplaas sit, staan of klim nie
6. Niemand mag enige betoging van welke aard ookal in 'n munisipale begraafplaas hou, dit toelaat of daaraan deelneem nie
7. Niemand mag enige dier in 'n munisipale begraafplaas inbring of toelaat dat dit ingebring word nie, en enige dier wat in 'n begraafplaas aangetref word, kan geskut word
8. Voorskrifte uitgereik deur die opsigter ten einde die ordentlike verloop van die verigtinge in 'n munisipale begraafplaas betreffende die plasing van structure, stoele, mikrofoon-toerusting en die tipe musiek wat gespeel mag word te verseker, moet nagekom word
9. Niemand mag binne enige munisipale begraafplaas die opsigter of enige beampte van die munisipaliteit in die uitoefening van sy of haar ampelike pligte verhinder, weerstaan of teenwerk nie, of weier om enige redelike opdrag van die opsigter of enige beampte van die munisipaliteit nate kom nie
10. Niemand verwyder enige grond sand of ander stof of ding van 'n soortgelyke aard vanuit 'n munisipale begraafplaas sonder die uitdruklike toestemming van die opsigter nie
11. Niemand mag enige graf, grafsteen, monument, muur, gebou, heining, pad of ander verbetering binne enige munisipale begraafplaas roekeloos of moedswillig vernietig of beskadig of laat beskadig nie, of enige advertensie, plakkaat of aanplakbiljet daarop aanbring, teken of oprig nie of op enige ander manier skend nie
12. Niemand mag enige beampte van die munisipaliteit met geld, geskenke of enige ander voordeel omkoop of poog om hom of haar om te koop in verband met enige aangeleentheid wat met 'n begraafplaas verbandhou nie
13. Niemand mag sonder die toestemming van die opsigter, enige grond van die munisipale begraafplaas verstoor of enige plant, struik of blompot ontwortel of op enige manier met enige graf of verbetering peuter nie, tensy dit uitdruklik in hierdie Verordening toegelaat word.
14. Niemand mag enige spel of sport binne 'n munisipale begraafplaas speel, of enige vuurwapen daarbinne afvuur, behalwe as 'n saluut by die militêre begrafnis, of enige windbuks of rekker afskiet of enigiemand binne sodanige begraafplaas hinder of lastig val nie

15. Geen musiekinstrument mag in 'n munisipale begraafplaas bespeel word sonder die toestemming van die opsigter nie.

## **HOOFSTUK 9**

---

### **PRIVAAT BEGRAAFPLASE**

#### **21. UITLÊ VAN PRIVAAT BEGRAAFPLAAS**

1. Die eienaar van grond gelee buit 'n ontwikkelde gebied kan met die voorafverkreepte skriftelike toestemming van die munisipaliteit en behoudens die voorwaardes deur die munisipaliteit bepaal, 'n privaat begraafplaas op die grond uitleë: met dien verstande dat 'n privaat begraafplaas wat slegs uit 'n kolumbarium bestaan, ook binne 'n ontwikkelde gebied uitgeleë kan word
2. 'n Bestaande privaat begraafplaas word geag uitgeleë te wees kragtens subartikel 1
3. Die eienaar van grond waaro 'n privaat begraafplaas gelee is, is verantwoordelik om daardie begraafplaas in 'n skoon en netjiese toestand te hou

#### **22. AANSOEK VIR DIE UITLÊ VAN PRIVAAT BEGRAAFPLASE**

1. Die eienaar van grond gelee buite 'n ontwikkelde gebied, van voorneme om 'n privaat begraafplaas op die grond uit te leë –
  - a. Rig sy of haar aansoek aan die Munisipale Bestuurder op die vorm deur die munisipaliteit voorsien
  - b. Voorsien die Munisipale Bestuurder van 'n plan wat –
    - Die ligging van die voorgestelde privaat begraafplaas op die betrokke stuk grond aantoon en
    - Die detailuitleë wat die presiese ligging en nommer van elke graf van die voorgestelde privaat begraafplaas aantoon, bevat en
  - c. Voorsien die verdere inligting wat die Munisipale Bestuurder mag verlang
2. Die Munisipale bestuurder verwys die aansoek na die boubeskerbeampte wat 'n inspeksie van die onderhawige grond doen of laat doen en 'n aanbeveling aangaande die aansoek aan die munisipaliteit maak
3. Nadat die munisipaliteit die aanbeveling van die boubeskerbeampte oorweeg het –
  - a. Verleen hy die toestemming in artikel 2(1) bedoel
  - b. Weier die aansoek met opgaaf van redesEn verwittig dadelik die aansoeker per brief dienooreenkomstig
4. Die eienaar van grond waarop 'n privaat begraafplaas geag word uitgeleë te wees kragtens artikel 2(1) moet, ten opsigte van daardie begraafplaas binne 'n jaar na die inwerking van hierdie Verordening die munisipaliteit voorsien van –
  - a. Die plan in subartikel 1(b) bedoel
  - b. 'n verklaring waarin die naam van die oorledende in elke graf begrawe vermeld word, indien dit aan die eienaar bekend is

## **23. DIE MUNISIPALITEIT MOET RECORD VAN PRIVAAT BEGRAAFPLASE BYHOU**

1. Die munisipaliteit hou behoorlik record van alle privaat begraafplase uitgele, of geag uitgele te wees, binne sy regsgebied
2. Die munisipaliteit werk die rekords van privaat begraafplase binne sy regsgebied by ten opsigte van –
  - a. Elek nuwe graf deur die eienaar van grond tot 'n privaat begraafplaas toegevoeg wat nie reeds op die plan in artikel 22(1)(b)(ii) bedoel aangetoon word nie
  - b. Elke begrafnis wat in 'n privaat begraafplaas plaasvind
3. Die eienaar van grond waarop 'n privaat begraafplaas gelee is, voorsien die munisipaliteit binne 7 dae nadat 'n begrafnis plaasgevind het, van die besonderhede in subartikel 2 genoem, tesame met 'n afskrif van die begrafnisorder en 'n verklaring waarin die nommer van die graf waarin die oorledende begrawe is aangedui word

## **24. GROND WAAROP 'N PRIVAAT BEGRAAFPLAAS UITGELE IS, WORD ALLEEN VIR BEGRAFNISSE GEBRUIK**

'n privaat begraafplaas word alleen vir begrafnisse gebruik, behalwe waar die munisipaliteit skriftelike toestemming aan die eienaar van die grond gee om die gebruik van die privaat begraafplaas vir begrafnisse te staak en bepaal hoe daar verder oor die stoflike oorskot van mense in die begraafplaas begrawe, beskik moet word.

## **25. OPGRAWING VAN LYKE UIT PRIVAAT BEGRAAFPLASE**

Niemand mag sonder die voorafverkreepte skriftelike toestemming van die munisipaliteit en behoudens enige wet wat die opgraving van lyke reel, 'n lyk uit 'n privaat begraafplaas opgrawe nie



## HOOFSTUK 10

### DIVERSE

---

#### 26. BESERINGS EN SKADE

Iemand wat 'n munispale begraafplaas gebruik, doen dit op eie risiko, en die munisipaliteit aanvaar geen aanspreeklikheid hoegenaamd vir enige persoonlike beserings wat so 'n persoon mag opdoen nie of vir enige verlies van of skade aan so 'n persoon se eiendom wat in verband staan met of voorspruit uit die voormelde gebruik van 'n begraafplaas nie.

#### 27. VUURWAPENS EN TRADISIONEL WAPENS

Geen vuurwapen of tradisionele wapens word by die munispale begraafplaas toegelaat nie

#### 28. STRAFBEPALING EN KOSTE

1. Iemand wat enige bepaling van hierdie Verordening oortree of versuim om daaraan te voldoen, is skuldig aan misdryf en by skuldigbevinding deur 'n hof, strafbaar met 'n boete of gevangenisstraf vir die periode van nie meer as 3 jaar nie of met beide so 'n boete en daardie gevangenisstraf.
2. Enige koste wat deur die munisipaliteit aangegaan is as gevolg van 'n oortreding van hierdie Verordening of by die doen van enigiets wat iemand by of kragtens enige sodanige bepalings van die Verordening opgedra is om te doen, wat hy of sy versuim het om te doen, kan deur die munisipaliteit verhaal word van die persoon wat die oortreding began het of versuim het om sodanige ding te doen

#### 29. HERROEPING VAN WETTE EN VOORBEHOUDE

1. Die volgende wette word hierby herroep:  
.....  
.....
2. Enige toestemming verkry, reg toegestaan, voorwaardes opgele, aktiwiteit veroorloof of ding gedoen kragtens 'n herroepe wet word, na gelang van die geval, geag kragtens die ooreenstemmende bepaling van hierdie Verordening (as daar is), verkry, toegestaan, opgele, veroorloof of gedoen te gewees het

#### 30. KORT TITEL

Hierdie Verordening heet die Verordening op Begraafplase 2015